



Godišnji izvještaj
društva ZEOS
eko-sistem

2018

Dobrodošli u ZEOS eko-sistem!

Na stranicama našeg godišnjeg izvještaja za 2018. godinu imate priliku pronaći mnoge interesantne informacije o našem društvu, vrsti i načinu pravilnog odlaganja e-otpada, načinu funkcionisanja sistema zbrinjavanja i statističkim podacima o rezultatima poslovanja našeg sistema.

Naš sistem simbolizira čvrstu i stabilnu vezu učesnika, bez kojih ne bismo mogli postići ostvarene rezultate o kojima izvještavamo.

Ukoliko prilikom čitanja budete imali bilo kakvih pitanja ili potrebu da nas upozorite na nešto ne oklijevajte, kontaktirajte nas na jedan od brojeva na poledini ovog izvještaja ili nam pišite na info@zeos.ba. Radujemo se vašim pitanjima!

Nadamo se da će poruke iz ovog izvještaja privući vašu pažnju. Želimo vam ugodno listanje!

LEGENDA

E-oprema	- električna i elektronska oprema
E-otpad	- otpadna električna i elektronska oprema
VKA	- Veliki kućanski aparati
MKA	- Mali kućanski aparati
RH	- Rashladni uređaji (frižideri i zamrzivači)
Pravilnik	- Pravilnik o upravljanju otpadom od električnih i elektronskih proizvoda („Službene novine Federacije BiH“, broj 87/12, 107/14, 8/16, 79/16 i 12/18).
Zakon	- Zakon o upravljanju otpadom („Službene novine Federacije BiH“ br. 33/03, 72/09 i 92/17).
Obveznik sistema	- Proizvođači, uvoznici i distributeri električne i elektronske opreme, koji po prvi put plasiraju električnu i elektronsku opremu na tržište Federacije Bosne i Hercegovine.
Operater sistema	- je društvo koje omogućava Obveznicima sistema plaćanje nižih naknada za upravljanje e-otpadom, vrši administraciju vezanu za izvještavanje, pruža podršku u vidu informisanja o zakonskoj regulativi, upravlja električnim i elektronskim otpadom, ovlašten od strane Federalnog ministarstva okoliša i turizma BiH na osnovu <i>Zakona i Pravilnika</i> .

*Podaci prikazani u izvještaju su analizirani na osnovu dostupnih informacija.
Izvještaj u PDF verziji možete pogledati na našoj web stranici: www.zeos.ba

Naglasak iz sadržaja

2018 ukratko



Koliko je e-otpada sakupljeno kroz ZEOS eko-sistem



Informisanje i aktivnosti podizanja svijesti



Priključite se u ZEOS eko-sistem



SADRŽAJ

Riječ direktora	4
2018 ukratko.....	5
ZEOS eko-sistem menadžment.....	6
Uloga operatera ZEOS eko-sistem.....	7
Pristupačna mreža sakupljanja	8
Koliko je e-otpada sakupljeno kroz ZEOS eko-sistem.....	10
Upravljanje e-otpadom u 2018. godini	12
Obrada i reciklaža	13
Reciklaža rashladnih aparata.....	14
Reciklaža sijalica.....	15
Reciklaža TV – monitora.....	16
Obrada otpada u BiH i Europskoj uniji	18
Informisanje i aktivnosti podizanja svijesti	20
Projekti, akcije i edukacije	21
Priključite se u ZEOS eko-sistem	22
Kontakt informacije	23

RIJEČ DIREKTORA



GODINA STABILNOG POSLOVANJA

Posmatrajući globalnu situaciju sa enormnim rastom električnog i elektronskog otpada na svjetskom nivou možemo zaključiti da je pred nama u Bosni i Hercegovini veliki izazov po pitanju adekvatnog preuzimanja, skladištenja i zbrinjavanja e-otpada. Do sada je sakupljeno i adekvatno zbrinuto 7.584.395 kg e-otpada, a količina samo u 2018. godini je 300% veća u odnosu na onu koju smo sakupili kada je ZEOS eko-sistem počeo svoje poslovanje. Pored toga obezbijedili smo 61 mjesto sakupljanja sa 298 komada infrastrukture za efikasno sakupljanje e-otpada. Za kategorije koje se ne mogu obraditi u našoj državi, zbog nepostojanja infrastrukture, mi idemo i korak dalje te obezbjeđujemo za naše građane i Obveznike sistema mogućnost reciklaže u inostranstvu kako bi sav sakupljeni e-otpad bio propisno zbrinut u skladu sa ekološkim i zakonskim standardima.


Naša velika i vrlo stabilna mreža sakupljanja pokazuje uspješne rezultate, koji su nam podsticaj da napredujemo i gradimo još bolje uslove za zdravlje građana i za okoliš Bosne i Hercegovine. Već su nabavljeni novi ulični kontejneri, njih 29, koji će biti postavljeni u periodu 2019. godine u Kantonu Sarajevo, Općini Konjic i Gradu Mostaru, kao i novih 27 komada Zelenog namještaja koji će biti postavljen u trgovinama bijele tehnike u Bosni i Hercegovini. Na ovaj način želimo velikom broju građana omogućiti besplatno korištenje naše infrastrukture, koja je ustvari i jedan vid edukacije, jer na svakom kontejneru postoje slike i informacije o vrsti i načinu odlaganja e-otpada.

Na naše informativne i edukativne aktivnosti smo također ponosni, to je poseban sektor koji služi kao podrška lokalnoj zajednici u obliku prenosa informacija o koristima, štetnostima, reciklaži i pravilnom odlaganju e-otpada. Kroz naše projekte i akcije, od 2013. godine, smo imali angažman preko 36.000 učesnika, od toga preko 16.000 su bili učenici osnovnih i srednjih škola za koje su organizovane posjete reciklažnim postrojenjima, prezentacije, kvizovi znanja i razna takmičenja u sakupljanju e-otpada.

Vjerujemo da naš rad pomaže da se promijene navike građana u odvajanju e-otpada. Mi ne bismo bili u mogućnosti da postignemo ove rezultate bez Vašeg povjerenja, stoga vam iskreno zahvaljujemo i obećavamo da ćemo u našoj kompaniji u narednom periodu, sa našim motivisanim i stručnim timom, biti fokusirani na nastavak ovog trenda i stvaranja novih poglavlja ove pozitivne priče u našoj državi.

Direktor

Mr. Emil Šehić





ZEOS eko-sistem menadžment



NE-ZA-PROFIT DJELOVANJE

ZEOS eko-sistem je ne-za-profit orijentisano pravno lice, koje pruža ekonomično i efikasno ispunjenje zakonskih obaveza za Obveznike sistema, kao i upravljanje sistemom zbrinjavanja e-otpada. Omogućili smo svim posjednicima e-otpada besplatnu predaju i zbrinjavanje, a za veće količine obezbijeđen je i transport sa adrese posjednika.



ODGOVORNO POSLOVANJE

ZEOS eko-sistem u svome radu:

- poštuje zakonske propise
- osigurava stabilnost sistema upravljanja e-otpadom
- mijenja navike građana u svrhu pravilnog odlaganja e-otpada
- prati nove izazove za rješavanje ekoloških problema



TRANSPARENTNO POSLOVANJE

Organizaciona struktura ZEOS eko-sistema se sastoji od Poslovnog odbora, koji redovnim sastancima kontrolira rad društva i osigurava transparentno i efikasno poslovanje.

Poslovni odbor

General Servis d.o.o.
Predsjednik: **Muamer Hadžić**
Zamjenik: **Mirnes Turbo**

Gorenje Commerce d.o.o.
Član: **Robert Polšak**
Zamjenik: **Almir Kurbegović**

Mercator BH d.o.o.
Član: **Mirsad Lagumdžija**
Zamjenik: /

ZEOS d.o.o.
Član: **Emil Šehić**
Zamjenik: **Borut Bernat**

ZEOS eko-sistem d.o.o.
Član: **Emil Šehić**
Zamjenik: **Elma Babić-Džihanić**



MEĐUNARODNA SARADNJA

ZEOS eko-sistem prati rad evropskih operatera za upravljanje e-otpadom, prisustvuje stručnim konferencijama i seminarima sa ciljem usvajanja i prenosa korisnih znanja i dobre poslovne prakse u Bosnu i Hercegovinu.

Uloga operatera ZEOS eko-sistem



„Proširena odgovornost proizvođača je strategija zaštite životne sredine, koja ima za cilj smanjenje uticaja proizvoda na životnu sredinu, tako da odgovornost za cijeli životni ciklus proizvoda, posebno za preuzimanje, recikliranje i odlaganje otpadnih proizvoda, preuzima proizvođač.“

Thomas Lindqvist, 1990

Koncept produžene odgovornosti proizvođača, uvoznika ili distributera elektronske opreme, znači da isti moraju osigurati da njihovi proizvodi nakon što posluže svojoj svrsi i postanu otpad, dobiju odgovarajući tretman. Tretman se odnosi na pravilno sakupljanje i obradu.

Da bi ispunio svoje obaveze za upravljanje otpadom, proizvođač, uvoznik ili distributer ovlašćuje ili prenosi odgovornost na operatera sistema kao što je ZEOS eko-sistem, koji tu zakonsku obavezu vrši u njegovo ime.

ZEOS eko-sistem ima sve potrebne dozvole, znanje i tehnologije za svoj rad, a svoje poslovanje provodi u skladu sa svim propisima i zakonima, obezbjeđuje u ime proizvođača, uvoznika ili distributera odgovarajuće upravljanje i izvještavanje o zbrinutom otpadu.





Pristupačna mreža sakupljanja


Zajednički sistem sa velikim brojem učesnika

Svoj e-otpad (velike aparate, male aparate, rashladne uređaje, tv – monitore i sijalice) možete pravilno odložiti na bilo koju od naših lokacija u kontejner namijenjen za to.



komada infrastrukture za efikasno sakupljanje e-otpada

Kvalitetna mreža osigurava efikasnu reciklažu






Koliko je e-otpada sakupljeno kroz ZEOS eko-sistem



Svaki sakupljeni kilogram e-otpada je zauvijek preusmjeren sa deponije u reciklažni sektor Bosne i Hercegovine. Uloga operatera ZEOS eko-sistem je da kontroliše sakupljeni e-otpad, kako bi isti bio obrađen i recikliran u skladu sa zakonom. Na ovaj način se čuvaju postojeći resursi, a opasne komponente se sprječavaju da ostvare negativan uticaj po zdravlje čovjeka, dodatno uz to se otvaraju nova radna mjesta u reciklažnom sektoru.

PRIKAZ UČINKOVITOSTI SAKUPLJANJA ZA PERIOD 2013-2018. GODINE




* U 2016. godini količina sakupljenog e-otpada je smanjena zbog Pravilnika o prestanku važenja Pravilnika, koji je uzrokovao prestanak rada društva ZEOS eko-sistem u toj godini.


Izvršeno je 2551 preuzimanja e-otpada




VELIKI KUĆANSKI APARATI




MALI KUĆANSKI APARATI




RASHLADNI UREĐAJI



TV MONITORI



SIJALICE



* Uzrok u smanjenju sakupljene količine u 2016. godini je zbog Pravilnika o prestanku važenja Pravilnika.



Upravljanje e-otpadom u 2018. godini


2.138.833 kg sakupljena količina e-otpada
9% više od zakonom propisanog cilja
33% sakupljeno od plasirane opreme na tržište FBiH

Društvo ZEOS eko-sistem u 2018. godini je ostvarilo do sada najbolje rezultate u oblasti sakupljanja, uključenja novih Obveznika u sistem kao i efikasnosti preuzimanja. Sve je ovo moguće zahvaljujući kvalitetnom upravljanju, organizacionim procesima, resursima, saradnji sa lokalnim zajednicama, nadležnim institucijama i našim sakupljačima.


Uspostavili smo funkcionalan sistem sakupljanja, redovna preuzimanja e-otpada, kroz uključenje velikog broja učesnika u našim projektima, akcijama i operativnim djelovanjima. Prenos informacija o vrsti, značaju, opasnostima i besplatnoj mogućnosti odlaganja e-otpada, uz stabilan sistem finansiranja su od ključnog značaja za naš uspjeh.

Cilj: 30 %
Količina e-otpada koju je operater obavezan sakupiti


UDIO SAKUPLJANJA PO GRUPAMA E-OTPADA U 2018. GODINI





MALI KUĆANSKI APARATI





RASHLADNI UREĐAJI




VELIKI KUĆANSKI APARATI





TV - MONITORI





SIJALICE

Obrada i reciklaža



Veliki i mali aparati se kontinuirano sakupljaju u toku cijele godine u našim reciklažnim dvorištima, njihovi procenti sakupljanja, obrade i reciklaže su najveći.



Rashladni uređaji su kategorija koja se od građana u maloj količini sakuplja, vrlo su opasni. Sigurno se nalaze u nekim skladištima kao rezervni uređaji. Obrada frižidera bez štetnih gasova se vrši u BiH, a frižideri sa štetnim gasovima se izvoze na reciklažu u Austriju.



TV – monitori su zbog katodnih cijevi i olovnog stakla također vrlo opasni. Njihova količina sakupljanja na godišnjem nivou se konstantno povećava, a u 2018. godini je organizovan i prvi izvoz izvan BiH, na II stepen obrade u Njemačku.



Sijalice su u prethodnom periodu kontinuirano sakupljane, ali sa obzirom da se u BiH ne može vršiti obrada niti reciklaža, iste su skladištene i pripremljene za izvoz u maju 2019. godine. Prikazani procenat je procjena na osnovu dosadašnjeg iskustva.



Reciklaža rashladnih aparata

129.916 kg
sakupljenih frižidera



38.165 kg



obrađenih
frižidera
u BiH

38.300 kg



obrađenih
frižidera u
inostranstvu

81%



stepen
reciklaže

Prethodna godina predstavlja početak obrade frižidera u Bosni i Hercegovini, osposobljeno je postrojenje za obradu frižidera bez CFC gasova (štetnih gasova), što je veliki napredak u odnosu na ranije godine poslovanja. Sakupljeno je ukupno 129.916 kg otpadnih frižidera.

ŠTA JE FREON?

Freon je nezapaljiv gas bez boje, mirisa i okusa i nije otrovan. Freon je, kao i ozon, lakši od zraka što znači da će se u atmosferi popeti do ozona, tamo ostati i reagirati. Nakon što se jedna molekula freona, popne do ozonskog sloja, biti će izložena UV zrakama što će dovesti do raspadanja molekule. Dalje će te raspadnute molekule reagirati direktno s ozonom, uništavajući ga.

Reciklaža sijalica



10.277 kg
sakupljenih sijalica

LED je najbolji izbor!

Jeste li znali da LED sijalice u sebi nemaju živu i nisu štetne po zdravlje čovjeka?

10.277 kg



sakupljeno
sijalica

96%



stepen
reciklaže

Kategorija sijalica se odnosi na štapićaste fluorescentne sijalice, kompaktne fluorescentne sijalice, visokointenzivne sijalice. U toku 2019. godine planiran je izvoz od cca 10.000 kg sijalica. Živa koja se nalazi u ovim sijalicama smatra se vrlo opasnom. To je tekući metal koji isparava na sobnoj temperaturi, a po zdravlje čovjeka izaziva akutna i hronična trovanja.

Ove sijalice **ne smiju** se odlagati u komunalne kontejnere i **ne smiju** dospjeti na deponiju otpada. Građani svoje potrošene sijalice mogu odložiti u naš Zeleni namještaj u trgovačkim centrima širom FBiH, lokacije pogledajte na našoj stranici www.zeos.ba.



Reciklaža TV - monitora

24.500 kg
sakupljenih TV - monitora



24.500 kg



skupljena
količina

24.940 kg



*izvezena
količina

73%



stepen
reciklaže

1.807



sakupljenih
komada

Reciklaža TV – monitora ima dvije vrste obrade, primarna obrada koja se vrši u BiH i sekundarna obrada koja se vrši u inostranstvu. ZEOS eko-sistem je u 2018. godini organizovao prvi izvoz katodnih cijevi na II stepen obrade u Njemačku. Izvoz se vrši zbog nepostojanja infrastrukture za obradu u BiH.

* Izvezena količina je veća od sakupljene količine zbog toga što su se TV - monitori skladištili i obrađivali do II stepena obrade u ranijim godinama, a u izvještajnom periodu je cjelokupna količina katodnih cijevi izvezena.

Proces reciklaže TV – monitora




Kada je u pitanju proces reciklaže TV – monitora, one sa CRT (katodnim cijevima) je najteže reciklirati. Ovi uređaji ne sadrže povjerljive podatke, ali sadrže određene količine fosfora i olova koji su otrovni i predstavljaju prijetnju po zdravlje čovjeka. Očišćeno staklo nakon procesa obrade se može istopiti i koristiti u novim CRT modelima ili se melje na sitne komade i koristi pri izgradnji cesta, što je njegova najveća primjena.

CRT TV – monitori se danas vrlo teško mogu pronaći, zbog toga što su ih nove tehnologije LED i OLED ekrana u velikoj mjeri već zamijenile. Zbog toga građani su dužni svoje stare, a i nove televizore, nakon upotrebe, posebno odvojiti i predati na reciklažu ovlaštenim reciklerima, jer je odlaganje ovog otpada na deponije i uz komunalni otpad strogo zabranjeno.

Reciklažom svojih TV – monitora pomažete održavanju čistog okoliša i zdravlja ljudi koji žive u vašoj okolini.

ŠTA SE DEŠAVA S MOJIM UREĐAJEM?





Obrada otpada u BiH i Europskoj uniji

Obrada i reciklaža e-otpada od ukupno sakupljene količine osigurana je u Bosni i Hercegovini za sve kategorije za koje postoji odgovarajuća infrastruktura. Za kategorije opasnog e-otpada zbog nepostojanja infrastrukture ZEOS eko-sistem je obezbijedio obradu i ekološko zbrinjavanje u zemljama Europske unije.

3%

od sakupljene količine
obrađeno u inostranstvu



97%

od sakupljene količine
obrađeno u BiH



38.300 kg Rashladnih uređaja reciklirano u UFH
Remondis GmbH, Austrija, Beč

24.940 kg TV – monitora reciklirano u Agro Drisa GmbH,
Njemačka, Dresden






Informisanje i aktivnosti podizanja svijesti

Komunikacija sa našim građanima i klijentima uz veliko povjerenje, koje nam poklanjaju, za nas predstavljaju neprocjenjivu važnost. U svrhu dobrog informisanja koristimo raznolike kanale prenosa informacija. Sa obzirom da je termin e-otpad još uvijek relativno nepoznat, u našem poslovanju kombinujemo i tradicionalne i moderne načine komunikacije i informisanja.

VAŠA PODRŠKA NAM JE VAŽNA!

Na svim našim platformama imate dozvolu da dijelite naš sadržaj sa svojim prijateljima, kako bismo se zajedno borili sa ovim opasnim ekološkim zagađenjem.



f Facebook: <https://www.facebook.com/ZeosEkoSistem>

@ Instagram: <https://www.instagram.com/zeos.ba>

t Twitter: <https://twitter.com/zeosekosistem>

in LinkedIn: www.linkedin.com/in/zeos-eko-sistem

▶ Youtube: <https://www.youtube.com/user/ZeosEkoSistem>

📍 Internet stranica: <http://zeos.ba/>

Projekti, akcije i edukacije



Na osnovu dobre prakse iz prethodnih godina organizovali smo realizaciju 8 projekata i 16 akcija podizanja svijesti. Naše ciljne skupine su mladi i stari, sa kojima vrijedno radimo na unapređenju stanja u našoj državi.

U 2018. godini smo zajedno sa 24.797 učesnika, 45 obrazovnih ustanova sa područja 9 općina FBiH ukazali na važnost pravilnog odlaganja e-otpada, njegovu korisnu i opasnu stranu, te načine i mjesta za njegovo odlaganje. Svi učesnici su imali priliku u projektima da proces reciklaže primijene u okviru svojih škola, a na osnovu toga su i dobili zaslužene nagrade. Pored prezentacija o e-otpadu i reciklaži, učenici su imali priliku učestvovati u radionicama, posjetama reciklažnim postrojenjima, kvizovima znanja, a zajedno smo proslavili i prvi Međunarodni dan e-otpada 13.10.2018. godine.



4.113

količina sakupljenog
e-otpada kroz projekte



24.797

učesnika



45

obrazovnih
institucija



Priključite se u ZEOS eko-sistem

ZEOS eko-sistem omogućava prenos obaveze na operatera uz ispunjenje proizužene odgovornosti, u skladu sa Zakonom i Pravilnikom, za proizvođače, uvoznike ili distributere, koji plasiraju novu e-opremu na tržište FBiH.


Prednosti ukoliko svoju obavezu ispunjavate preko našeg društva:

- Izvještavanje o plasiranim proizvodima prema Federalnom ministarstvu okoliša i turizma i Fondu za zaštitu okoliša FBiH
- Plaćanje niže ekološke naknade za upravljanje otpadom
- Informisanje i edukacija potrošača o pravilnom odlaganju e-otpada
- Elektronska aplikacija za unos podataka izvještaja i narudžbe preuzimanja
- Korištenje mreže sakupljača
- Sakupljanje i obrada e-otpada
- Izvještavanje o upravljanju e-otpadom, prema nadležnim institucijama
- Pravna i tehnička podrška

Ukoliko već niste dio naše mreže, kontaktirajte nas i zakažite besplatne konsultacije.

- Jednaki uslovi za sve Obveznike sistema
- Transparentnost poslovanja
- Odvoz i zbrinjavanje e-otpada
- Troškovna efikasnost
- Izvještaji i dokumentacija
- Finansiranje od strane Obveznika sistema

BROJ OBVEZNIKA SISTEMA



183

člana broji
naša EKO porodica

NAŠI OBVEZNICI

ABIAS d.o.o. • AGROMEHANIKA-KOMERC d.o.o. • ALARM AUTOMATIKA d.o.o. • ALFA CAR d.o.o. • ALFA THERM d.o.o. • ALLIED VTM d.o.o. • ALPEKS d.o.o. • AMD SCONTO - BRČKO d.o.o. • AM-DŽ-ELEKTRON d.o.o. • AN-GO FRIGO ELECTRIC d.o.o. • AN-KA d.o.o. • ARCHITEKTENGRUPPE S 71 d.o.o. • ASSECO SEE d.o.o. • AT STORE d.o.o. • ATOMDISTRIBUTION d.o.o. • AVTERA BH d.o.o. • AX SOLING d.o.o. • B & G d.o.o. • BBS d.o.o. • BIASCO d.o.o. • BILI BRIG d.o.o. • BINGO d.o.o. • BIOMEDICA d.o.o. • BIRO COMMERCE d.o.o. • BLITZ-CINESTAR d.o.o. • BOSNALIJEK d.d. • BOSNAMEDIC d.o.o. • BROTHERS d.o.o. • BS TS d.o.o. • CARLSBERG BH d.o.o. • CC HBC B-H d.o.o. • CLIMA-TRADE d.o.o. • COMTRADE DISTRIBUTION d.o.o. • CONFIG d.o.o. • CPU d.o.o. • CROM BH d.o.o. • DARA d.o.o. • DELING d.o.o. • DELTRON d.o.o. • DEMA & S EXPORT-IMPORT d.o.o. • DENTA DE d.o.o. • DIAMEDIC d.o.o. • DIMOTEL d.o.o. • DISTI d.o.o. • DMDROGERIE MARKT d.o.o. • DREAM-SAT d.o.o. • DŽANIĆ KOMERC d.o.o. • EINHELL BIH d.o.o. • EL PHARMA d.o.o. • ELEKTRO CENTAR d.o.o. • ELEKTRO-JURIĆ d.o.o. • ELEKTRO-MILAS d.o.o. • ELKO-MARIĆ d.o.o. • ELMARK GROUP d.o.o. • ELSA TRADE d.o.o. • ELUMATEC MASCHINEN d.o.o. • FARMAVITA d.o.o. • FAXY d.o.o. • FERRO-PACK d.o.o. • FMI 2001 d.o.o. • FRIGOTERM d.o.o. • GAMA-ELECTRONIC d.o.o. • GASTRO TEHNIKA d.o.o. • GEMMA BH d.o.o. • GENERAL ENGINEERING d.o.o. • GENERAL SERVIS d.o.o. • GORENJE COMMERCE d.o.o. • GRAFOTISAK d.o.o. • GRIČ d.o.o. • HENKEL BH d.o.o. • HILTY SYSTEMS BH d.o.o. • HKB NET d.o.o. • I-CRN I d.o.o. • IMTEC d.o.o. • INEL BH d.o.o. • INEL d.o.o. • INEL-MED d.o.o. • INFO-KOD d.o.o. • INFONET d.o.o. • INTERSPORT BH d.o.o. • ISKRAEMECO d.o.o. • ITD d.o.o. • JULIUS MEINL BH d.o.o. • JUMO BH d.o.o. • JYSK d.o.o. • KABLOVSKA TELEVIZIJA HS d.o.o. • KAMER COMMERCE d.o.o. • KB d.o.o. • KID ZONE d.o.o. • KODEKS d.o.o. • KONICA MINOLTA POSLOVNA RJEŠENJA BH d.o.o. • KONZUM d.o.o. • KUPI TEHNIKU d.o.o. • LATEX Cazin d.o.o. • LEDO d.o.o. • LIBELA ELSI BIH d.o.o. • LIGHTING TECHNOLOGY d.o.o. • LINDAB d.o.o. • LOGOSOFT d.o.o. • LUK d.o.o. • M.A.L. GRIZELJ d.o.o. • MACLINE d.o.o. • MALIŠIĆ EXPORT-IMPORT d.o.o. • MANEDRA-COMPANY d.o.o. • MARCAFFE d.o.o. • MARS - 97 d.o.o. • MASTER-H d.o.o. • MASTERLINE d.o.o. • MB FRIGO KLIMA I HLAĐENJE d.o.o. • MEDICAL d.o.o. • MEDICAL INTERTRADE d.o.o. • MEGA CENTAR SANSKI MOST d.o.o. • M-ELECTRIC d.o.o. • MERCATOR BH d.o.o. • MES d.o.o. • MESC d.o.o. • MIBO KOMUNIKACIJE d.o.o. • MICOM BH d.o.o. • MIDDLE POINT ELECTRONICS d.o.o. • MIDNES d.o.o. • MIVIKO d.o.o. • MLJEKARA LIVNO d.o.o. • MOBIS ELECTRONIC d.o.o. • MOJIT d.o.o. • MTEL A.D. • NEONETX d.o.o. • NETWORK d.o.o. • NEW YORKER BH d.o.o. • NOBEL CORPORATION d.o.o. • NUIĆ d.o.o. • OLYMPUS BH d.o.o. • OMEGA PANELI d.o.o. • OPUS d.o.o. • ORACLE BH d.o.o. • ORBICO d.o.o. • ORBITER G d.o.o. • OSMIJEH d.o.o. • P.Z.VINO-DUHAN-VOĆE P.O. • PAYTEN d.o.o. • PENNY PLUS d.o.o. • PENNY d.o.o. • PLANET d.o.o. • PLANKOS ALATI d.o.o. • PORIN d.o.o. • PRINTEX d.o.o. • PRIZMA BL d.o.o. • PROMA d.o.o. • PROMET-TEHNO d.o.o. • ROX d.o.o. • SARAJEVSKI KISELJAK d.d. • SARTORIUS LIBRA ELEKTRONIK d.o.o. • SATTRAKT d.o.o. • SCHACHERMAYER d.o.o. • SCHRACK TECHNIK BH d.o.o. • SERVIS JELIĆ d.o.o. • SHIMADZU d.o.o. • SICON SAS d.o.o. • SILK TRADE d.o.o. • SONRA d.o.o. • STUDIO-MODERNA d.o.o. • SYS COMPANY d.o.o. • ŠPIČKA SYSTEMS d.o.o. • TC-LINK d.o.o. • TEHNO-MAG d.o.o. • TELEMACH d.o.o. • TERLEPLUS d.o.o. • TIPIEH d.o.o. • TRGOŠPED d.o.o. • TRING d.o.o. • TVIN-KOMERC d.o.o. • UNATEL d.o.o. • UNIBOX d.o.o. • UNIKOMERC d.o.o. • UNIOR TEHNA d.o.o. • UNIS TELEKOM d.d. • VERSO d.o.o. • VIDIAMOBIL d.o.o. • WIDEX SA d.o.o. • WURTH BH d.o.o. • XENON FORTE d.o.o. • YIMOR d.o.o. • ZEKA-COMERC d.o.o. • ŽANA-COMMERCE d.o.o.

Kontakt informacije



EMIL ŠEHIĆ

Direktor

Tel: + 387 33 628 606

info@zeos.ba

ALEM KUPUSOVIĆ

Komercijalista

Tel: + 387 33 846 316

Mob: +387 61 147 864

alem.kupusovic@zeos.ba

ELMA BABIĆ-DŽIHANIĆ

Pomoćnik direktora

Tel: + 387 33 846 317

Mob: +387 61 146 088

elma.babic@zeos.ba

MAHIR BJELONJA


Koordinator za sakupljanje

Tel: +387 33 628 606

mahir.bjelonja@zeos.ba

Hvala Vam na povjerenju i saradnji!

ZEOS eko-sistem iz godine u godinu kontinuirano raste i napreduje, naši rezultati su dokaz ove pozitivne priče u Bosni i Hercegovini, koja ne bi postojala da nema velikog broja učesnika koji naš sistem čine snažnim i stabilnim. Najbitniji cilj u našem poslovanju je zaštita zdravlja naših građana, koji ostvarujemo kroz raznovrsne načine odlaganja i visoke stepene obrade svih opasnih i neopasnih kategorija e-otpada. U narednim godinama u saradnji sa svim našim učesnicima sakupljena količina e-otpada će se mnogostruko povećavati, a na taj način će naša država Bosna i Hercegovina biti čišća i ljepša.



Za više informacija o našem poslovanju možete pogledati naše godišnje izvještaje za 2014, 2015, 2016 i 2017. godinu, koji su dostupni na našoj web stranici www.zeos.ba. Sve informacije, grafikoni i slike su informativnog karaktera i ne smiju se koristiti u druge svrhe.

ZEOS
EKO – SISTEM

ZEOS eko-sistem d.o.o.
Ul. Tvornička 3.
71210 Ilidža
Tel: +387 33 628 606
+387 33 846 316
+387 33 846 317
E-mail: info@zeos.ba
www.zeos.ba